

# L'EUROPA E LA SVIZRA L'ONN DA LAS REVOLUZIUNS 1848

Rebelliuns e revolts durant l'onn da las revoluziuns 1848/1849 en l'Europa. Il ruas en Svizra cugliuna. Per ina giada è ella ida ordavant: en Svizra avevi gia il 1847 dà in conflict armà dals conservativs cunter ils liberals (Guerra da la Lia separatista). Il Grischun aveva cumbatti da la vart „federala“ liberala. Il general da las truppas conservativas da la Guerra da la Lia separatista è dentant stà in Grischun: Johann Ulrich von Salis-Soglio (1790-1874).



Vers la fin dal 18avel tschientaner e durant l'emprima mesadad dal 19avel tschientaner è sa furmada en il rom da la revoluziun industrialia ina burgaisia adina pli conscienta da sasezza. Sa basond sin las ideas da l'illuminissem e tenor l'exempel da la Revoluziun franzosa dal 1789 ha quella cumenzà a far valair dapertut pretensiuns sumegliantas:

- segirezza giuridica cun decretar constituziuns
- egualitad giuridica ed aboliziun dals privilegis aristoeratics
- pussavladad da sa participar a la pussanza cun in vast dretg da votar e d'eleger ed introduziun da parlaments cun pussanza da decider
- „libertad“ cun garantir ils dretgs fundamentals: libertad da pressa, libertad da petiziun, libertad da domicili, libertad da commerzi.

Savens eran questas pretensiuns burgais-liberalas colliadas cun il giavisch da cuntanscher l'indipendenza

politica e da crear stadis nazionalis empè dals stadis plurinazionalis existents. En tscherts lieus giugavan era gia ideas e moviments socials radicalis e neosocialistics ina rolla: ins na pretendeva betg mo la „Pressefreiheit“, mabain – a moda umoristica ed accentuada – era la „Fressfreiheit“ (damai betg mo il dretg da nutriment spiertal, mabain era da nutriment corporal suffizient).

L'onn 1848 è l'Europa alura vegnida tschiffada cun ina simultanadad sorprendenta d'ina entira unda da revolts e da revoluziuns che fashavan valair pretensiuns liberalas e radicalas. Ins discurreva da la „primavaira dals pievels“. Er en Svizra eran las ideas liberalas sa derasadas ed avan inspirà gia ils onns 1830 intgins chantuns da reformar las constituziuns. Sin plaun federal n'èsi dentant fin il 1847 betg reussi da realisar ina tala reforma. I deva adina pli savens conflicts tranter ils chantuns per il solit – dentant betg exclusivamain –

protestants ed ils chantuns catolics conservativs. I gieva tranter auter era per la dumonda, schebain ina centralisaziun ed instituziuns federalas pli fermas sajan necessarias per sviluppar il stadi federativ. La finala è la situaziun escalada: ils chantuns liberals han decidì ils 3 da november 1847 da schliar cun forza il „Sonderbund“, tenor els in'allianza anticonstituzionala da set chantuns catolics conservativs. Quai ha manà a l'ultima guerra civila en Svizra. Grazia a l'enorma mobilisaziun da var 50'000 umens da vart dals chantuns liberals ed ad ina voluntad da cumbat betg fig gronda da la cuntrapart ha il conflict pudì vegnir terminà gia la fin da november 1847. En tut hai dà sulettamain 93 vietimas.

En ils egls da las pussanzas grondas conservativas da l'Europa – l'Austria, la Prussia e la Russia – che avevan garanti il 1815 a cheschun dal Congress da Vienna la neutralitad ed il territori da la Svizra, violavan la

Guerra da la Lia separatista e ses resultat las cunvegnas da Vienna ed eran uschia ina smanatscha per l'urden europeic. Ellas n'èn dentant betg stadas bunas d'interpreter insatge, cunquai ch'ellas èn vegnidas franadas da las revoluziuns eruttas en lur territoris l'entschatta 1848. Ed uschia ha la Svizra, en la sumbriva da las tensiuns europeicas, survegni la schanza da deliberar en tutta prescha ina nova constituziun liberala e da far la midada dal stadi federativ al stadi federal. Retrospectivamain è la Guerra da la Lia separatista savens vegnida considerata sco entschatta ed act inzial da l'onn da las revoluziuns 1848. „Im Hoehland fiel der erste Schuss“, è il tìtel d'ina poesia davart la revoluziun, scritta il favrer 1848 dal poet e revoluziunar tudestg Ferdinand Freiligrath. En quella manegia el vivant: „Schon kann die Schweiz vom Siegen ruhn / Das Urgebirg und die Nagefluh / Zittern vor Lust bis zum Kerne!“



La gronda part da las revoluziuns, revolts e stentas reformatoricas europeicas ha fatg naufragi, almain a l'emprima emprova. In enorm dumber da fugitivs politics e da truppas revoluziunaras en fugia ha cuntanschì la Svizra, en tut var 12'000 fin 20'000 persunas. Tschients han tschergà per in temp curt u pli lung suttetg er en il Grischun.

Qua survegn Joseph Au, fugitiv politic da Baden, ils 11-10-1850 ina permissiun da dimora.

**Aufenthaltsbewilligung**  
Dem politischen Flüchtling Au Joseph von Almendshofen (Baden) wird an-durch die Bewilligung erteilt, sich im Kanton aufhalten zu dürfen. Derselbe ist unter Androhung von Strafe angewiesen, von seiner Anwesenheit in der Gemeinde, wo er seinen Aufenthalt nimmt, sogleich der Ortspolizei Anzeige zu machen, ... Mit den Stempeln der Kantonspolizeidirektion und dreimaliger Verlängerung.

**Nachweis der Abbildungen:**

- Alexander Altenhof, Zentren der Revolutionären Erhebungen von 1848/1849 in Europa (online: Wikipedia, Artikel Revolutionen 1848/1849).
- Aufenthaltsbewilligung für Joseph Au, Staatsarchiv Graubünden, Signatur STAGR IV 9 c 2, Dossier Au.